

## **VIKTIMAT E DHUNËS NË FAMILJE DHE TRAJTIMI I TYRE NË REGJIONIN E PEJËS GJATË PËRIUDHËS KOHORE 2015 – 2019**

Viktimat e dhunës në familje dhe trajtimi i tyre në Regjionin e Pejës gjatë periudhës kohore 2015-2019 nënkupton hulumtimin dhe studimin e kësaj veprë në aspektin teorik dhe praktik të ilustruar me raste në territorin e Gjykatës Themelore në Pejë dhe përhapja e saj edhe në përmasa globale, gjithnjë duke iu referuar jo vetëm legjislacionit të brendshëm, por duke u zgjeruar edhe në përmasa më të gjera përfshirë këtu edhe konventat ndërkombëtare të cilat madje kanë qenë të miratuara për qëllim të vetëm të luftimit dhe parandalimit të të ashtuquajturës dhunë në familje.

Në këtë punim është bërë përpjekje që të bëhet gërshetimi i domosdoshëm i teksteve, hulumtimeve dhe informatave që në mënyrë të thellë dhe të qartë të paraqesin në mënyrë të renditur fillimisht format e kësaj dukurie, duke vazhduar me fenomenin e viktimizimit e deri në mbrojtjen dhe parandalimin e tyre me akte ligjore e nënligjore, vendore e të huaja.

Detyrë kryesore e këtij studimi është fillimisht vënia në dukje e rëndësisë së kësaj veprë penale dhe sanksionimit juridik të saj, duke vazhduar me masat preventive dhe represive të përdorura për mënjanimin e kësaj veprë penale.

Metoda kryesore të cilat janë përdorur gjatë këtij punimi janë: metoda e rasteve, metoda e observimit, metoda e anketës dhe intervistës, metoda historike, metoda statistikore, metoda e analizës dhe radhijtes të materialeve, metoda e analizës dhe e vlerësimit të lëndëve dhe dosjeve mbi viktimat.

**Kandidatja:** Albina Vuçetaj

**Mentor:** Prof.Dr. Rexhep Gashi